

أين تذهبون بها ؟ | الشيخ محمد خيرى سلسلة من غيب لشهاد

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له
واشهد ان محمدا عبده ورسوله وبعد - [00:00:00](#)

نسأل الله سبحانه وتعالى ان يجعل هذا المجلس حجة لنا لا علينا واسأله لنا ولكم حسن الختام يقول النبي صلى الله عليه وسلم اذا
وضعت الجنازة فاحتملها الرجال على اعناقهم - [00:00:19](#)

فان كانت سالحة قالت قدموني وان كانت غير سالحة عافانا الله واياكم قالت لاهلها يا ويلها اين تذهبون بها يا ويلها اين تذهبون بها
يسمع صوتها كل شيء الا الانسان - [00:00:39](#)

لماذا يقول النبي لو سمع الانسان لو سمعها الانسان لسعق. نسأل الله السلامة لو سمع الانسان هذا الصوت وسمع هذا الاستغاثة سبحانه
الله! تخيل اهل البعد عن الله سبحانه وتعالى. واهل ترك الصلوات عافانا الله - [00:01:10](#)

واياكم وترك السل والصلة والبر ان دول يقولوا يا ويلها اين تذهبون بها لا حول ولا قوة الا بالله يقولون بصوت لو سمعه لو سمعه
الانسان لصعق. سبحانه الله والنبي يقول اذا وضعت الايه؟ الجنازة - [00:01:36](#)

سبحان الله! اول ما الانسان يموت ينزع منه كل شيء كله يبدأ يتسحب منك وبمناسبة الايه؟ النزاع والحاجات اللي بتتسحب. اول ما
يسحب منك داخل مستشفى جاء المغسل هو ما في جيبك - [00:02:04](#)

يبدأوا ياخذوا منك الموبايل وهو اكثر حاجة تقريبا انت مشغول بها هي اول حاجة هتتسحب منك فخلي بالك ولا تجعله يشغلك عن
اه صحتك. فاول ما هيتسحب منك الموبايل وسبحان الله اللي هيبقى معك مصحفك. آآ قراءتك للقرآن. فشوف انت عاوز تخلي
مين معك اكثر - [00:02:26](#)

اللي هيبقى معك العمل الصالح. فنسأل الله العفو والعافية. فاول ما ينزع من الانسان اسمه تلاقي واحد جاي يغسل او الاخت جاية
تغسل فتسأل اول سؤال تقول ايه بتقول فين الحجة - [00:02:54](#)

فين الاخت؟ لا بتقول فين الميت؟ فين الجسة؟ ياه ما عدش الاخ محمد ما عدش الاخت ام عبدالرحمن ما عدش الا اخت فلانة لا لا
خلاص انتهى الموضوع ما عادتش نهاد ولا معاد كله اتنسى - [00:03:11](#)

نسأل الله العفو والعافية فاول حاجة اتسحب الاسم ومعه اللقب بقى ما حدش هيدخل يقول لك فين حضرة الزابط ولا فين الدكتورة
ولا فينا مرات الشيخ ولا فينا الاخت اللي كانت مسئولة. فين المديرية - [00:03:31](#)

فين القائد ده؟ فين الرائد؟ فين الرائدة؟ انتهت المواضيع دي كلها انتهت. سبحانه الله كل ده واحنا لسه في البداية يبدأ ايه؟ ينزع
الاسم. وبعد ما يتنزع الاسم ياخده فين - [00:03:49](#)

ياخذوا الميت وبعد ما يغسلوه يودوه المسجد بتبدأ تسأل الناس انت رايح تصلي. تقول ايه؟ لو سمحتم هو المسجد آآ اللي فيه
الجنازة فين؟ ياه حتى ما عدتش بتقول للميت بقيت بتقول الجنازة - [00:04:08](#)

لا حول ولا قوة الا بالله. يبقى اول حاجة نسيوا اسم حضرتك يا استاز احمد ونسيوا اسم حضرتك يا استازة ريهام كله اتنسى وبعد
كده هيقولوا الجسة وبعد كده هيقولوا الجنازة - [00:04:28](#)

طب وبعد الجنازة يقول لك ايه واحنا داخلين القبر وسع وسع للخشبة يا ربي خشبة اه يقولوا وسع للخشبة. حاسب يا ابني بالراحة
وانت بتنزل الخشبة لا حول ولا قوة الا بالله - [00:04:47](#)

انك ميت وانهم ميتون. ولذلك عثمان كان اذا مر بقبر يبكي حتى تبطل لحيته فيسألوه يقولوا له ليه كده كل ما يذكر القبر او تمر عليه تبكي فيقول ان القبر - [00:05:04](#)

اول ما ننازل الاخرة سمعت النبي صلى الله عليه وسلم يقول ذلك فمن نجا فان نجا منه فما بعده ايسر نسأل الله السلامة ما رأيت منظرا قط الا والقبر افضع منه - [00:05:24](#)

كان احد الصالحين العلماء ينصح اه غيره. طبعا القبر اما الانسان نشوفه القبر الهون اللي اللي بيوعظك اكرر. القبر المفتوح ولا القبر المغلق عما تشوف القبور كده القبر المرعب ولا القبر المفتوح المقفول - [00:05:40](#)

هو اللي بيخوفك وبينبك القبر لا شك المفتوح. ليه لان المفتوح بيقول لك انا مستنيك. يا ترى مين فيكم عليه الدور انا في انتزاركم سبحانه الله نسأل الله ان يرحمنا - [00:06:04](#)

ونسأل الله ان يثبتنا ونسأل الله ان يفرحنا وان يقول صدق عبدي ونسمع افرشوا له من الجنة ونرى ملائكة بيض الوجوه. معها كفن من اكفان الجنة ومعها عطور حانوت من حانوت الجنة - [00:06:23](#)

هو ده اللي احنا ان شاء الله نأمل فيه من الله سبحانه وتعالى. احد العلماء بينصح فيقول لك اعلم رحمك الله ان في القبر وظلمته وضيقه ووحشته وطرح الميت فيه غير موسد ولا ممهد. قد باشر الثرى - [00:06:44](#)

وواجه البلاء وترك دنياه للورى ونبذ منها ما كان في يديه بالعرا. مع حبيب تركه. وقريب اسلمه ونصير افرده وترك ما كان عهده ما يفتطم النفوس عن الشهوات وان كانت صعبة الفطام - [00:07:04](#)

ويقطعها عن اللذات وان كان قطعها بعيد المرام اذ بحث عن الحقيقة ونظر بعين البصيرة وسمع النداء من قريب. بينما المرء مرتكدا في امنيته غافلا عن يوم صرعه ومنيته قد فتح للهو بابه - [00:07:27](#)

وارسل عليه حجابيه ولم يبالي بمن لاه في ذلك او عابه اذ هجمت عليه المنية فهتكت استاره وكشفت انواره وطمست اثاره واعلامه فاخرجته من ذلك القصر المشيد والمنزل المندد والمتاع المزخرف - [00:07:48](#)

الى حفرة من الارض سوداء ضيقت الجوانب والارعاء. مملوءة من القرع والرعب بما شاء. نسأل الله العفو والعافية فحذاري رحمك الله حذاري ان تجلس في هذا وانت غير مستعد لعلك قد كنت في الدنيا ممن يشكو تبديل المنازل وان كانت حسنا - [00:08:13](#)

ويكثر فيها تلونا وافتنانا وافتنانا. ولا ترى لربك فيها تفضلا ولا امتنانا. فانزر الان كما كم بين المنزل ليلتين وكم قدر الله ما بين الوحشتين الا ان يدركه يدركك فيض الرحمة الا ان يدركك فيض الرحمة - [00:08:45](#)

وتغشاك روائح المنة. فتتسع من القبر اقطاره وتمتد انواره نسأل الله السلامة من كان يوحشه تبديل منزله. وان يبذل منها منزلا حسابا. ماذا يقول اذا ضمت جوانبها عليه واجتمعت ها هنا وهنا - [00:09:08](#)

ماذا يقول اذا امسى بحفرته فردا وقد فارق الاهلينا والسكان هناك يعلم قدر الوحشتين وما يلقيه من بات بالذات مرتتها يا غفلة ورماح الموت شارعة والشيب القى برأسه نحو الرسانة - [00:09:32](#)

نسأل الله العفو والعافية. انس هناك يا رحمن وحشتنا. والطف بنا وترفق عند ذاك بنا. نحن العصاة وانت الله ملجأنا وانت مقصدنا الاسمى ومطلبنا كن لنا عند بأسها وشدها اولى. فمن ذا الذي فيها يكون لنا - [00:09:54](#)

يا رب الطف بنا وسدنا واهدنا وارزقنا حسن الختام فعلا يا رب سلم سلم لان الله سبحانه وتعالى ان لم يسلم العبد فمن سيسلمه ما زال الحديس حول كلام البراء - [00:10:18](#)

في نقله عن النبي صلى الله عليه وسلم وهو احكي لنا حال الناس على قسمين سبحانه الله فيقول النبي صلى الله عليه وسلم في شأن المؤمن ان الله سبحانه وتعالى يقول صدق عبدي فافرشوه - [00:10:42](#)

وففرشوه من الجنة والبسوه من الجنة وافتحوا له بابا الى الجنة. هنينا له لك ان تتخيلي انك تسمعي وانت في قبرك على اليقين كنت وعليه مت وعليه تبعثي ان شاء الله - [00:11:01](#)

ويتقال لك انزري الى مقعدك من النار. ابدلك الله مقعدا من الجنة سبحانه الله لما يتقال لك نم نم كنومة العروس لا يوقظه الا احب

اهله اليه حتى يبعثه الله من مضجعه - [00:11:18](#)

نسأل الله العفو والعافية ويبدأ بقى ايه؟ يأتيه من روحها وطيبها ويشوف بقى عمله الصالح اللي اتكلمنا عنه. خاصة الاعمال الخفية التي لا يطلع عليها الا رب البرية. في اعمال كده لازم ايه - [00:11:37](#)

اه تنتبه لها وتركز فيها وتكثر منها الاعمال التي لا يطلع عليها احد طب افرض وانا شغال ان في ناس شافت عملي هنيئا لك تلك عاجل بشرى المؤمن كما يقول النبي صلى الله عليه وسلم - [00:11:55](#)

فعادي ان ان انت ممكن في يوم من الايام انك تعمل اعمال والناس تشوفك ما فيش مشكلة. لكن لازم يكون من ضمن خطتك انك يكون لك خبى من عمل صالح من استطاع - [00:12:08](#)

منكم ان يكون له خبء من عمل صالح فليفعل. يكون له خبيئة من عمل صالح. يعني عمل لا يطلع عليه الا الله. ولذلك البرنامج بتاع المشهور جدا ويعني بيتعرض كل مرة تقريبا على ما اذكر في رمضان او قبله او بعده. المهم يعني آآ الكل يمكن مر عليه اللي هو قلب اطمئن - [00:12:18](#)

اللي بتاع الامارات ده بغض النزر عن التفاصيل الكثيرة وتصوير الفقير والاشياء دي كلها لكن فيها ملمح مهم جدا احنا آآ يعني محتاجين نهنيه ننتبه له والله اعلم بما في الصدور ولم نشق امرنا آآ نحن لا نشق على الناس يعني اشققت عن قلبه فاحنا لا نعرف ما الذي في قلوب ونوايانا - [00:12:39](#)

ناس لكن المشهد من الخارج اما في واحد يفصل في كل هذه الماديات حتى لو مدعم من احد وحد بيساعده سبحانه الله ومركز جدا ان شكله لا يظهر ده معنى مهم - [00:13:02](#)

لا يشوش على المعاني المعاني الايه الخطأ فيه. اه فيه بعض الاشياء فاتتهم وفيه بعض الاشياء ينبغي ان ينتبه لها كالتشويش على صور الفقير ولا نحن لا نريد ان نهدم كرامتهم ولا نجمع عليهم اذى. واسأل الله الله اعلم من الذي سيقبل - [00:13:21](#)
منه من الذي سيحرم. ولكن الواحد يستفيد منها ملمح مع كل هذا الانفاق لا يظهر مع كل هذا الماديات هو لا يظهر. المعنى ده مهم جدا. انا لا ازكي البرنامج ولا لا ازكي ولا آآ ولا انقضه. لست فيه في السياق - [00:13:41](#)

الثناء عليه ولا الحط من قدره. لكن الالتقاط المعنى دوت التقاط المشهد دوت ان يكون في حرص شديد ان الانسان يكون دايم مش ما يكونش عنده دايم مشغول انه يكون ايه في الواجهة - [00:14:00](#)

انا عمك الصالح كنت والله سريعا في طاعة الله. بطيئا عن معصية الله. فجزاك الله خيرا هل هتسمع هل انت حاسة وحضرتك حاسس المعنى دوت هل حضرتك حاسس انك هيتقال لك كده - [00:14:18](#)

هل حاسس ان عمك الصالح هيجي لك ويقول لك كده كنت سريعا والله شف العمل بيقول له ايه وكنت والله سريعا في طاعة الله. بطيئا معصية الله. الشواهد بقى ما هي دي الشواهد اللي هتيجي تشهد لك - [00:14:40](#)

نشوف المحامين بتوعك مين المحامي ولازم تعمل فحص لهم يعني القرآن شفيق لك صح القرآن ده هيشفع لك وهيحامي لك وهيدافع عنك. فتأكد ان المحامي بتاعك جاهز ولازم تفتش فيه الشفيق بتاعك ايه الحاجة اللي هتشفع لك امن مستقبلك يا جماعة الجماعة بتعود شركات التأمين والكلام ده. ده التأمين الحقيقي اللي ما فيهوش بها اي خلاف شرعي - [00:14:54](#)

التأمين ان الايه المستحب الواجب انك تعمله. امن شغلك. امن مستقبلك الحقيقي اليقيني. كلمنا كتير ان في مستقبل زني ممكن لا ادركه. ايه هو المستقبل الزني اللي انا اعيش لبكرة؟ ايه هو المستقبل الزني اللي انا ادخل الامتحان؟ ايه هو المستقبل الظني اللي انا اتجوز؟ ايه هو المستقبل الظني اللي ربنا - [00:15:19](#)

ارزقني اولاد. ايه مستقبل الزني اللي انا احقق شهادات وحقق طموحات ده مستقبل ممكن ما يجيش وممكن يجي. نسأل الله ان يدبر للجميع المسلمين ما يحب ويرضى. لكن المستقبل اليقيني - [00:15:39](#)

اللي كلنا رايعينه ده للأسف في ناس مش مركزة فيه. ما بتأمنش مستقبلها ده كويس فالعمل الصالح يقول له ايه؟ انا عمك الصالح. كنت والله سريعا في طاعة الله بطيئا عن معصية الله. فجزاك الله خيرا. اه ده صلاته بقى وصومه والبر - [00:15:53](#)

والصدقة وبكاؤهم نسأل الله السلامة يا رب سلمنا وغنمنا. وان ده طبعا العبد المؤمن ينتقال له كده طيب العبد الثاني عافانا الله واياكم. وان العبد الكافر وفي رواية الفاسق اذا كان في انقطاع من الدنيا واقبال من الآخرة - [00:16:19](#)

نزل اليه من السماء ملائكة. ما لهم دول سود الوجوه لا حول ولا قوة الا بالله معهم المسوح. نسأل الله السلامة. اللي هو اللباس شديد الغلظة والخشونة فيجلسون منه مد البصر. يقعدوا معه يبقى كده ايه مد البصر. نسأل الله السلامة - [00:16:42](#)

اه ربنا يعافينا واياكم وبعدين بقى اما يقعدوا معه المجلس دوت فيقولوا له ايه ثم يجيء ملك الموت حتى يجلس عند رأسه فيقول ايتها النفس الخبيثة اخرجي الى سخط من الله وغضب - [00:17:06](#)

لا حول ولا قوة الا بالله يا جماعة ده اللي هرب من زابط ولا هرب من كمين لانه بيتاجر في اي حاجة غلط وبعدين مستخبي في حاجة كده وبعدين هو مرة واحدة كده نايم يلاقيه دخلوا عليه - [00:17:30](#)

يا ربي عالحسرة اللي بيلاقياها وبعدين آآ يمكن في سنة امل ان هيكلم حد من آآ زمايله حد يقفله يحامي محامي ولا في ايه؟ يقول لها هيرضي الناس دي برشوة ويعدي ولا يعمل اي حاجة. لكن هناك هتعمل ايه - [00:17:46](#)

نسأل الله السلامة ربنا يعافينا فيقول له ايتها النفس الخبيثة اخرجي الى سخط من الله وغضب فايه اللي يحصل فتفرق في جسده. تبدأ بقى ايه تبدأ تتربع فتبدأ تهرب في جسده فينتزعها كما ينتزع السفود من الصوف المبلول يا رب سلم سلم - [00:18:06](#)

الحديدة اللي اللي بيشووا عليها اللحم اما تلاقي كده ايه ان اللحم كده تلاقي الحاجات دي ملتصقة ببعض جامد جدا عشان يشيلوها مع بعض نسأل الله العفو والعافية. لا النبي صلى الله عليه وسلم قال ان العبد الكافر وفي رواية الفاسق - [00:18:36](#)

نسأل الله السلامة ربنا يعافينا فيأخذها فاذا اخذها لم يدعوها في يده طرفة عين. الملائكة دونا ويخرج منها كأن ريح جيفة وجدت على وجه الارض اه ريحة بقى الشهوات العفنة والشبهات العفنة والكفر بالله والعياذ بالله وترك الصلوات واه - [00:18:55](#)

المتاجرة بالاعراض والرشاوى والسرقات وشرب الخمر نسأل الله العفو والعافية عشان كده لن تجدوا بعد الله سبحانه وتعالى. ومن مات من الصالحين مسل الصالحين اللي ايه؟ الاحياء اللي كانوا سبب في هدايتكم - [00:19:22](#)

انك حضرتك تدخل القبر وانت مطمئن وانك دلوقتي ممكن بتسمعني تقول اللهم لك الحمد ان في واحد صالح ساعدني وفهمني واخذ بيدي الى الطريق فان شاء الله اكون من الايه؟ ممن يرى الملائكة تلبيض الوجوه. بدل ما عشان كده مهم جدا انك تلتقط النعم ديت - [00:19:48](#)

تشوف ماذا فعل العلماء او ماذا فعل الدعاء واهل الصلاح زميلتك اللي في الجامعة اللي دعتك من ستاشر سنة انت نسيتهها لكن احصاه الله مهما احنا ومهما تنكرنا ومهما انكرنا الجميل لهؤلاء - [00:20:11](#)

اوعى تكون فاكرو الشيخ اللي من ستاشر سنة وانت في اولى سانوي لما دخلت الجامع في رمضان وخلاك تأذن وبعد كده اتعرف عليك وبعدين بدأ يعلمك الفاتحة ويقول لك احنا لازم نكون كويسين انت ليه ما بتصليش انت ليه كذا - [00:20:32](#)

وقعدت معه خمس ست شهور وبعدين ايه آآ خلاص عرفت طريق الصلاح سم تنكرت له بعد كده ونسيته لا الرب لا ينسى فكن لديك حسن العهد من الايمان حسن العهد من الايمان ودي من الاعمال الجميلة في رمضان كنت اتكلم مع احد اخواني - [00:20:52](#)

فبقول له ايه اخبار رمضان وبتاع والكلام ده وطبعا في شرحنا احنا في في اجود ما يكون ان لازم كل يوم يكون فيه تحسين للعبادة في دي فروق في اليوم اللي ايه؟ فيه فرق اليوم ده النهاردة عن امبارح - [00:21:15](#)

فقال لي اليوم كان آآ كنت مركز في الصلة فبقول له جزاكم الله خيرا والله معنى جميل فعلا صلة الارحام ديت من الحاجات الغائبة. قال لي لأ مش صلة الارحام اللي انا كنت مركز فيها - [00:21:30](#)

ويا مصرتي لكل من كان له علي فضل في ديني ودنياي ولم اتصل به من فترة وزمن بدأت اتواصل معهم واتصل بهم واخباركم ايه مع رمضان وبتاع حتى بدأ يبחס ايوه يدور على تليفون المدرس اللي علمه اللغة العربية اول واحد - [00:21:44](#)

لموا الحروف. عارفين سيدنا اللي في القرية اللي علمك الف باء الف فتحة اه الكلام ده؟ اه ما هو لو مش هو ما كنتش دلوقتي دكتور ومهندس وفتاح محل واتجوزت الاستازة شيماء وخلفت الاستاز صهيب. وكنت يعني معك شهادة ولا كنت اصلا يعني - [00:22:04](#)

حاجة محترمة لا ما كنتش بتعرف تقرا هو اول من ساعدك على القراءة وخالك تعرف تقرا طيب سبحان الله! كل من له فضل اللي علمتك الفاتحة اللي انت قاعدة دلوقتي يعني تقولي معي اجازة وباعلم الناس كلها ومش عارف ايه ومش عارف ايه. انت فاكر انت فاكر مين اللي علمك الفاتحة - [00:22:24](#)

وخالك تقراها صح فاكره فاكره وهو بيقول لك ما تقولش المصطاة قل المساة بلاش وتقول المستقيم دي دي طاء ولا تاء فاكر انت الشيخ ده فاكره ولا نسيته؟ انت لو نسيته ربنا مش ناسيه - [00:22:45](#)

وصلاتك بتاعة التراويح دي النهارده في ميزانه اللي انت صليتها بين ناس امام وقراءتك للقرآن دي وانت بتعمل الغنة بتاعة النون وانت بتطلع الحاجات دي كلها وانت بتمد الحرف ده اه هو واخذ اجره وكن نايم. سبحان الله - [00:23:03](#)

الكلام ده مهم جدا ان الساني ينتبه به. فسبحان الله الواحد يبدأ بقى يراجع ويشوف المعاني دي. عشان كده احنا بنقول يا جماعة الناس اللي ربونا وعلمونا والدك لما اشترى لك كتاب من مكتبة عشان انت تقرب من ربنا وضغط عليك مرة عشان تروح المسجد - [00:23:23](#)

الشيخ فلان عشان يعني كانه يعني يحررك وبجيبك والكلام ده كله. كل ده عشان تعدي انت من الموقف اللي احنا بنتكلم فيه ده كل ده عشان تدخل عليك ملائكة بيض الوجوه - [00:23:43](#)

اللي كان بيطلع في التليفزيون واحيانا ويخضك وبعدين كنت تتريق عليه شوية بس هو فرق معك اما كان بيطلع يقول لك الموت قادم. فانت تهزر شوية وبتاع. بس خلي بالك الشيخ ده نفعل - [00:23:56](#)

حتى لو انت دلوقتي تنكرت له احنا يا جماعة بنتعامل مع رب مثقال الذرة لا يضيع عنده فهو يعلم من الذي اسر فيك والجهود الخفية اللي عملت تراكم وختلك تبقى انسان محترم - [00:24:08](#)

اوعى تنسي ان والدك والدتك علموكي الصلاة في بنات النهاردة عندها ستة وعشرين سنة ما بتصليش. ليه؟ لان باباها ومامتها مامتها مش علموها وما بيصلوش فالبنت دي لو قابلت ربنا - [00:24:27](#)

نسأل الله العفو والعافية. ممكن تقابله على غير ملة الاسلام. وممكن تقابله على حاجة كبيرة قوي. لان ايه اللي وقعهم في السكر اول حاجة قالوها لما سألوهم ايه اللي جابكم هنا؟ قالوا لم نك من المصلين - [00:24:43](#)

خلي بالك والدتك شدت عليك شوية. والدتك اللي هي يعني شديدة يكفي ان هي خلتك مسلمة. وساعدتك انك تدنك مسلمة حتى لو ده سنة شدة وباباك عنده شدة شوية يكفي ان هم صانوا عرضك وساعدوكي دايمًا شوفوا الناس اللي لهم - [00:24:59](#)

خير وانجاز معك في تاريخك المستقبلي اللي قدام اوعى تنسى المعنى ده لن تجد احد له منة عليك مثل انسان امن لك وساعدك في المستقبل وان انسان ساعدك لما تدخل قبرك تعدي - [00:25:18](#)

اوعى تنسى الشخصيات دي حتى لو نسيته انت الخسران لان هو كده كده هو مش هيتنسي وواحد اجررك ان شاء الله اذا كان بزل هذا الامر لله ولم يعود ولم ينكث فيه - [00:25:38](#)

نسأل الله ان يسترنا واياكم ايه اللي حصل؟ اصلا احيانا بعض الناس عما يكبر يقول لك انا بقيت بفهم وبقيت عارف. والناس دي تضلوني وضحكوا علي لأ انت ممكن تنتبه لبعض اخطاء الوالد والوالدة واطعاء العم والخال وامام المسجد والداعي والداعية -

[00:25:51](#)

ولا تقلده في زلته. لكن لا تنسى فضله عليك النبي صلى الله عليه وسلم بعد ما يقرب من خمستاشر سنة وحد يخبط من ريحة خديجة فيبدأ ويقوم ويتحرك فبعدين يترجم السبب ايه - [00:26:13](#)

ان حسن العهد من الايمان انك انك تكون عندك يعني انسان وفي. لا تنسى الفضل الذي بينكم احد اخواني اذا قابل مدرس اللغة العربية وهو انسان عادي جدا جدا جدا - [00:26:33](#)

اجد بيكلمه بطريقة فيها الادب والرقي ووشه في الارض ويقول له استازنا وعلى فكرة الاخ ده مشهور جاد هو حاجة يعني مكسر الدنيا ويقابل الراجل ده راجل عفوي خالص وعادي خالص - [00:26:50](#)

ويكاد يعني يحاول يقبل ايده فليہ تعمل كده؟ يقول لك هذا الذي جعل لساني ينطق العربية فكيف انساه انا لست بلئيم عشان انسى فضل هذا الرجل علي. لا. سبحان الله. المهم - [00:27:06](#)

ان احنا ما ننساش الناس اللي ايه؟ اللي كانت سبب ان احنا ما نتحطش ان شاء الله ما نتحطش في موقف زي ده تبدأ الملائكة تاخذ الريح دي تاخذ الانسان ده اللي يخرج منه امتن ريح جيفة وجدت على وجه الارض. فيصعدون بها فلا يمرون بها على ملأ من الملائكة الا قالوا ما هذا - [00:27:26](#)

الخبث فيقولون فلان ابن فلان باقبح اسمائه. نسأل الله السلامة. اقبح اسم كان بيتنادى به في الدنيا التي كان يسمى بها في الدنيا حتى ينتهي ينتهي به الى السماء الدنيا فيستفتح فلا يفتح لا يبجي يفتحه لا لا ما ينفعش - [00:27:47](#)

ثم قرأ النبي لا تفتح لهم ابواب السماء. يا ربي سلم. يا رب عافينا يا رب ثم يقول الله اكتبوا كتابه في سجين في الارض السفلى فتطرح روحه طرحة فكأنما خر من السماء فتخطفه الطير. نسأل الله العفو والعافية - [00:28:05](#)

وفي او تهوي به الريح في مكان سحيق فتعاد روحه في جسده ويأتيه ملكان فيجلسانه فيقولان له من ربك؟ فيقول ها ها لا ادري فيقولون له طيب ما دينك يقول ها ها لا ادري - [00:28:29](#)

فيقولون ما هذا الرجل الذي بعث فيكم فيقول ها ها لا ادري. ما يقول محمد يا جماعة ويخلص. لأ يا جماعة ما انت ما عشتش مع محمد وما عشتش مع سنة محمد. انت كنت بتتريق على اللحية - [00:28:52](#)

كنت بتتريق على الاسبال كت بتتريق على الحجاب كنت بتتريق على النقاب انت كنت ماشي اصلا ترى وكل ما يمر عليك خلاص تنقلب الى اهلك مازح فاكه وتلمز هؤلاء - [00:29:07](#)

نسأل الله العفو والعافية آآ هؤلاء ساعتها يقول لا ادري فعلا طبعاً. فينادي مناد من السماء ان كذب فافرشوه. نسأل الله السلامة. افرشوا له من النار. وافتحوا له بابا الى النار - [00:29:27](#)

فيأتيه من حرها وسمومها وسمومها ويضيق عليه قبره حتى تختلف فيه اضلاعه ويأتيه رجل قبيح الوجه قبيح الثياب منتن الريح. مين ده؟ مين ده؟ تركه للصلوات. سبه للدين والعياز بالله. الغيبة - [00:29:41](#)

نميمة والتوقيع بين المسلمين وتبليغه على المصلين. احنا وصلنا النهاردة لمرحلة يقول لك ضبط متلبس بالسجود. الله يرحمه كشك يقول لك ايه هيجي علينا وقت يقول لك ايه ضبط متلبس معه مصحف. ضبط متلبس في صلاة الجمعة. هؤلاء اهو شف - [00:30:02](#)

بقى اللي بيبقى ايه بيبقى ايه ويكون مبسوط قوي وعنده يعني نشوة عالية جدا اي احد امال يتتبع واحد ساجد جاره مع اخيه سبحان الله! قاعد يشوفهم دول وهو رايع اصلا عدى على واحد يبشرب حشيش. وعدى على واحد واقف مع بنت واقفة يعني - [00:30:22](#)

آآ صعبة جدا وما قلهمش ولم يتمعر وجهه. تمعر وجهه امتى؟ تمعر وجهه عندما سمع صوت الاذان. عندما سمع صوت القرآن عندما رأى اهل الاله؟ الصلاح والعرفان هو تمعر وجهه - [00:30:43](#)

ربنا يهدينا ويهديهم فان لم يكتب لهم هداية فاسأل الله ان يخفيهم فيقول النبي صلى الله عليه وسلم فيأتيه رجل قبيح الوجه قبيح الثياب منتن الريح فيقول ابشر بالذي يسوؤك هذا يومك - [00:31:04](#)

الذي كنت توعد فيقول من انت؟ فوجهك الوجه يجيء بالشر. فيقول انا عمك الخبيث؟ فيقول ربي لا تقم الساعة ربي لا تقم الساعة نسأل الله السلامة ليه هو مش عاوز ان الساعة تقوم ده اللي هو فيه نيلة في نعيم - [00:31:25](#)

ورواية عند الامام احمد فيقيد له اعمى اصم ابكم في يده مرزبة. نسأل الله السلامة اللي هي المطرقة الكبيرة لو ضرب بها جبل كان تراباً. فيضربه ضربة حتى يصير تراباً ثم يعيده الله كما كان. فيضربه ضربة اخرى فيصيح صيحة يسمعه كل شيء - [00:31:46](#)

الا الثقلين. دي احوال الناس في القبور ايه اللي ينجيننا من قبورك بما ان دي الاحوال؟ انا عاوز افلت. انا كده انا انا عاوز اكون من الناس الاولانيين انا عاوز اكون من الناس اللي يتفرش لها في الجنة وترى الجنة ويكون امنية حياته انه يطلع وان من الناس يقول قديم - [00:32:18](#)

قدموني انا اعمل ايه؟ ده اللي هنعرفه ان شاء الله في اللقاء القادم باذن الله نتكلم عن التحسينات اللي يهتم اللي اديك وتأمك في

المستقبل بتوفيق الله سبحانه وتعالى. فاسأل الله سبحانه وتعالى ان يرزقنا واياكم حسن العمل وحسن الخلق - 00:32:37
وحسن الختام اقول قولي هذا واستغفر الله لي ولكم - 00:32:55